



ADRESA: Alipašina 14/L, 71 000 Sarajevo  
Vakufska banka DD Sarajevo: 1602000023176039; ID BROJ: 4201099390000  
TEL/FAX: (+387) 033/206-736; (+387) 061/348-082 - E-mail: [karatefederacijebih@gmail.com](mailto:karatefederacijebih@gmail.com)

# REGISTRACIONI PRAVILNIK

KARATE SAVEZA FEDERACIJE BOSNE I HERCEGOVINE



Sarajevo: Juli 2018. godine

U skladu sa članom 20. stav (1) tačke 11) Statuta Karate saveza Federacije Bosne i Hercegovine, a na prijedlog Takmičarske komisije Saveza, Upravni odbor je na svojoj 5. redovnoj sjednici, održanoj u Sarajevu dana 13.03.2018. godine je usvojio:

## **REGISTRACIONI PRAVILNIK KARATE SAVEZA FEDERACIJE BOSNE I HERCEGOVINE**

### **I - OPŠTE ODREDBE**

#### **Član 1.**

Ovim Pravilnikom reguliše se način i uslovi registracije klubova i takmičara kao i pravo nastupa takmičara.

#### **Član 2.**

Registraciju klubova i takmičara vrši sekretar saveza FBiH (u daljem tekstu: Kancelarija) koja o tome vodi registar i datoteku takmičara.

Samo registrovani klubovi ostvaruju svoja prava u Karate savezu FBiH.

### **II - REGISTRACIJA KLUBA**

#### **Član 3.**

Za prvu registraciju kluba dostavlja se sljedeća dokumentacija :

- a) Zahtjev za registraciju,
- b) Popunjen i ovjeren registracioni karton,
- c) Potpisan i ovjeren ugovor o međusobnim pravima i obavezama kluba i saveza,
- d) Potvrdu o uplati participacije za registraciju kluba,
- e) Rješenje o registraciji kod nadležnog ministarstva pravde,
- f) Kopiju ugovora sa nadležnom bankom,
- g) ID broj.

#### **Član 4.**

Obnova registracije:

- a) Zahtjev za obnovu registracije,
- b) Popunjen i ovjeren registracioni karton,
- c) Potvrda o uplati propisane takse,
- d) Potpisan i ovjeren ugovor o međusobnim pravima i obavezama kluba i saveza,

#### **Član 5.**

Nakon izvršene registracije klub stiče status pridruženog člana. Pridruženi članovi ostvaruju sva prava osim prava da biraju i budu birani u organe saveza. Status punopravnog člana klub stiče na prvoj narednoj skupštini Saveza.

#### **Član 6.**

Upravni odbor Saveza donosi odluku o visini participacije za registraciju kluba i takmičara, a može da propiše i druge uslove.

### **III - REGISTRACIJA TAKMIČARA**

#### **Član 7.**

Za prvu registraciju takmičara klub podnosi:

- a) Zahtjev za registraciju sa spiskom takmičara (prezime i ime, datum rođenja),
- b) Takmičarski karton sa fotografijom takmičara,
- c) Potvrdu o uplati participacije za registraciju takmičara.

### **IV - OBNOVA REGISTRACIJE**

#### **Član 8.**

Za obnovu registracije takmičara klub podnosi:

- a) Zahtjev za obnovu registracije sa spiskom takmičara (prezime i ime, datum rođenja),
- b) Takmičarski karton,
- c) Potvrdu o uplati participacije za obnovu registracije.

### **V - PREREGISTRACIJA TAKMIČARA**

#### **Član 9.**

Za preregistraciju takmičara klub podnosi:

- a) Zahtjev za preregistraciju,
- b) Takmičarski karton,
- c) Ispisnicu iz kluba za koji je bio registrovan,
- d) Uplata participacije u iznosu od 100,00 KM ukoliko je takmičar registrovan u istoj kalendarskoj godini.

#### **Član 10.**

Za prelazak takmičara iz kluba u klub osnovni dokument je ispisnica. Ispisnica se izdaje na pisani zahtjev takmičara. Klub je dužan da izda ispisnicu i takmičarski karton u roku od 7 dana od dana prijema zahtjeva, ukoliko takmičar, nema obaveza regulisanih ugovorom.

#### **Član 11.**

Datum prijema zahtjeva za ispisnicu i rok za dostavu obrazloženja ukoliko se ispisnica ne želi izdati utvrđuje se tako što se na datum slanja zahtjeva za ispisnicu doda 3 dana. Zahtjev se dostavlja preporučenom pošiljkom.

#### **Član 12.**

Ukoliko klub ne izda ispisnicu i takmičarski karton dužan je u roku od 7 dana Takmičarskoj komisiji Saveza dostaviti obrazloženje o razlogu neizdavanja ispisnice. Ukoliko klub u datom roku ne dostavi obrazloženje, takmičar se u tom slučaju može registrovati za drugi klub bez ispisnice i Takmičarskog kartona.

#### **Član 13.**

Preregistraciju takmičara bez ispisnice i takmičarskog kartona odobrava Takmičarska komisija Saveza.

#### **Član 14**

Sve sporove vezano za registraciju kluba ili takmičara rješava Takmičarska komisija Saveza.

#### **Član 15.**

Žalba na registraciju kluba ili takmičara podnosi se Takmičarskoj komisiji Saveza.

#### **Član 16.**

Klub koji je nezadovoljan odlukom Takmičarske komisije ima pravo žalbe u roku od 15 dana. Žalba se podnosi Upravnom odboru Karate saveza FBiH. Odluka Upravnog odbora Karate saveza FBiH je konačna.

#### **Član 17.**

Duplikat takmičarskog kartona izdaje kancelarija saveza. Duplikat takmičarskog kartona se izdaje pod istim uslovima kao da se vrši prva registracija takmičara.

### **VI - PRAVO NASTUPA, REGISTRACIJE I PREREGISTRACIJE**

#### **Član 18.**

Pravo nastupa na svim takmičenjima u BiH i inostranstvu imaju samo registrovani takmičari.

#### **Član 19.**

Nastup neregistrovanih takmičara na takmičenju u zemlji i inostranstvu za posljedicu ima nemogućnost registracije takmičara za tu i narednu kalendarsku godinu.

#### **Član 20.**

Odluku o zabrani registracije donosi Upravni odbor Saveza po zahtjev Takmičarske komisije.

#### **Član 21.**

Dokument o registraciji takmičara je uredno ovjeren takmičarski karton. Takmičar može imati samo jedan takmičarski karton. Obrazac takmičarskog kartona propisuje Upravni odbor Saveza.

#### **Član 22.**

U slučaju prelaska u drugi klub, takmičar stiče pravo nastupa danom preregistracije.

#### **Član 23.**

Za nastup na Federalnom prvenstvu BiH u ekipnom sistemu takmičenja moguća je dvojna registracija. Registrovani takmičar može se registrovati za drugi klub samo za takmičenje na kojem će nastupiti, odnosno automatski je ništavna nakon njegovog završetka.

U ekipnom sistemu takmičenja u borbama u muškoj konkurenciji za ekipu mogu nastupati dva strana takmičara. U ženskoj konkurenciji borbe ekipno i u ekipnom sistemu takmičenja u katama za ekipu može nastupati jedan strani takmičar

Visina dvojne registracije iznosi 200,00 KM po takmičaru i uplaćuje se na žiro račun KS FBiH.

#### **Član 24.**

Na svim ostalim takmičenjima takmičar može nastupiti za drugi klub uz pismenu saglasnost delegata takmičenja i kluba iz kojeg dolazi takmičar uz uplatu u iznosu od 20,00 KM na licu mjesta.

Isti takmičar mora imati ljekarsko uvjerenje i polisu osiguranja.

#### **Član 25.**

Strani državljani mogu biti registrovani za klub, pod istim uslovima kao državljani BiH.

U ekipnom sistemu takmičenja u borbama u muškoj konkurenciji za ekipu mogu nastupati dva strana takmičara. U ženskoj konkurenciji borbe ekipno i u ekipnom sistemu takmičenja u katama za ekipu može nastupati jedan strani takmičar.

#### **Član 26.**

Svaki registrovani takmičar u Karate savezu Federacije BiH, pored ispisanice iz kluba za koji je registrovan mora dobiti i saglasnost Saveza, kako bi svoju registraciju mogao regulisati za drugi klub koji nije član Karate saveza Federacije BiH.

#### **Član 27.**

Registracije klubova vrši se u periodu od 01.01. do 28.02. tekuće godine.

Registracija, obnova registracije i preregistracija takmičara vrši se tokom cijele godine.

#### **Član 28.**

Sve sporove vezano za registraciju kluba ili takmičara rješava Takmičarska komisija Saveza. Žalba po odluci Takmičarske komisije podnosi se Upravnom odboru Karate saveza Federacije čija je odluka konačna i obavezujuća.

#### **Član 29.**

Davanje netačnih podataka po pitanju registracije takmičara povlači za posljedicu suspenziju kluba na takmičenjima u trajanju od godinu dana. Suspenziju na zahtjev Takmičarske komisije izriče Upravni odbor saveza.

#### **Član 30.**

Sve sporove vezano za registraciju kluba ili takmičara rješava Takmičarska komisija Saveza. Žalba po odluci Takmičarske komisije podnosi se Upravnom odboru Karate saveza Federacije čija je odluka konačna i obavezujuća.

#### **Član 31.**

Tumačenje Pravilnika u prvom stepenu daje Takmičarska komisija, a u drugom stepenu Upravni odbor Saveza čije je tumačenje konačno.

Stupanjem na snagu ovog pravilnika prestaju važiti odredbe prethodnog pravilnika.

Ovaj pravilnik stupa na snagu danom njegovog usvajanja od strane Upravnog odbora Saveza.

Broj: UO-5-P2/18

Sarajevo: 13.07.2018. godine

PREDSJEDNIK  
UPRAVNOG ODBORA KS FBiH

---

*Mirsad Fežić*